

## Universitätsbibliothek Paderborn

### **Thesavrvs Casvvm Conscientiæ**

Continens Praxim exactissimam De Censvris Ecclesiasticis, Aliisqve  
Poenis, & Canonicis impedimentis, in Septem Libros distributus ...

Decisiones Casvvm Conscientiæ Ex Doctrina Consiliorvm Martini Ab  
Azpilcveta Doctoris Nauarri collectæ, & iuxta librorum iuris Canonici  
dispositionem in suos Titulos distributæ

**Sayer, Gregory**

**Venetiis, 1627**

10 Indulgentia mortuo per opus existentis in mortali quaeri potest.

**urn:nbn:de:hbz:466:1-13903**

coniunctus pro coniuncto spiritualiter, vel carnaliter sine eius mandato aliquid imperat validè potest: capit. nonnulli sunt & alij de rescript. & quia dispensatio, & imperatio beneficij & priuilegij ab alio pro alio sine mandato eius fieri potest: cap. ex ore. de his, quæ sunt a maior. par. cap. & cap. innotuit. de elect.

## DECISIO V.

Ex conf. 5. alias 4. de iudicij.

**F**acultas dispensandi cum ijs, qui publice: & bona fide in tertio, & vñstiore gradu Matrimonium contrahunt, in tuto tantum conscientiam per Bullam Cruciatæ Commissionem concessa, cum quibus in eo foro Commissarius dispensauit, et si de impedimento in foro exteriore constet, & de dispensatione; Index tam secundum suam conscientiam, & veritatem iudicare potest matrimonium illad non esse validum; quia dispensatio illa quoad forum exterius, & contentiosum nihil operatur; eo quod tam facultas dispensandi commissariis Cruciatæ a Papa concessa, quam dispensatio per illos super impedimento matrimonij facta, quoad effectus fori interioris, & conscientiae tantum fuerit limitata; & ideo quoad forum contentiosum actus eorum non valet; cum actus agentium ultra eorum intentionem non operentur; l. non omnis ff de rebus cred. & limitata causa iumentum producit effectum; l. in agris ff. de acqua. rer. domin. & iudeo secundum eam veritatem (olum) quam ut index noverit, iudicare debet ex S. Tho. 2. 2. q. 60. a. t. 6. & q. 67. a. r. 2. & proinde index hoc matrimonium, quoad forum exterius, & contentiosum non esse validum iudicare potest quamvis in foro interiori validum esse sciat.

## DECISIO VI.

Ex conf. 6. alias 2.

**F**acultas concessa Prælato religionis dispensandi cum suis religiosis super irregularitate occulta, valida non est, nec ea prælatus ante Bullarum expeditionem vii potest; cum haec concedentis esse censeatur.

## DECISIO VII.

Ex conf. 7. alias 23. de celeb. Mis.

**I**ndulgentia, vel dispensatio quod obligatus ad horas canonicas dicendas (satisfaciens), dicendo decies Pater Noster, & decies Ave Maria si tenetur febre, vel tanto alio dolore, quod eas commode recitare nequeat, ad circum, vel dolore oculorum ita laborantem, ut sine periculo perdendi visum eas recitare non possit, simpliciter non extenditur, quia sola recitas febrem, aut dolorem impeditem recitationem non induit. Huiusmodi autem facultas, aut dispensatio non valenti ob febrem, vel alium dolorem horas recitare, ut non teatetur, parum prodest.

## DECISIO VIII.

Ex conf. 8. alias 39. de penit. &amp; remiss.

**I**ndulgentia pro mortuis concessa, ad viuos non extenditur, etiam si quis pro viuis Missam celebret, sicut eam con sequitur anima mortui, si pro ea celebretur.

## DECISIO IX.

Ex conf. 9. alias 38. de penit. &amp; remiss.

**I**ndulgentiam jejunanti, oranti, & eleemosinam facienti feria quarta, sexta, & sabbato vnius hebdomadæ concessam, non consequitur is, qui vna tantum præfatarum feriarum tantam eleemosinam facit, quantum omnibus tribus erat facturus: cum concessio indulgentiae strictè interpretanda sit; Argum. cap. porro. de priu. & copulativa dispositio, ut vera sit, omnes eius partes vera esse debent. I. fi. hæreditati plures, ff. de condit. institu. Nec indulgentia alicui, nisi totum illud faciat, quo ad acquirendum illam præstituitur, acquiri solet, adeo quod nihil quartitur, etiam si bona pars illius fiat. Extraaug. Vnigenitus. de pœn. & remiss. vnde sicut

ad indulgentiam acquirendam non sufficit vna, vel diuinas præfatarum feriarum jejunare & orare, ita nec eleemosinam in vna tantum dare. Quamvis enim id quod dandum, vel faciendum est aliquo tempore, fieri potest ante illud, quando tempus in fauorem debitoris adiectum est, non tamen id fieri potest, quando in fauorem alterius adiectum est, vt in casu proposito contingit, vbi onus de faciendo eleemosinam tribus diebus adiectum esse videtur, ut diutius, & plures bene operetur: sicut nec iustus septem psalmos paenitentiales septies septem hebdomadibus, satisfacit, dicendo illos septies in vna septimana si tempus adiectum non fuerit in fauorem eius, ut leuius eos recitare posset, sed ad hoc vt majori tempore peccata defleat.

## DECISIO X.

Ex conf. 10. alias 36. de penit. &amp; remiss.

**I**ndulgentia mortuo per opus existentis in statu malo queri potest, siue opus, ob quod conceditur indulgentia, sit Missa, quæ ex opere operato prodest, siue alia, quæ tantum ex opere operantis valet.

## DECISIO XI.

**P**ecans spe venie consequenda per Bullam tam concessam, vel postea concedendam, absolu per eam potest, nisi Bullam, vel indulgentiam concedens illum ab eius commodo excipiat.

## DECISIO XII.

Ex conf. 11. alias 1. de rescript.

**G**ratia de altari priuilegiata a Papa alicui ecclesia facta ad petitionem alicuius dicentis, quod in ea sint viginti sacerdotes, etiam si non sint plures quam quindecim sacerdotes, valet.

## DECISIO XIII.

Ex conf. 12. alias 6. de temp. ordin.

**D**ispensatio & gratia facta Subdiacono occulto, & male ordinato ut vxorem ducere possit, non virtutate eo quod tacuit, præsertim sine dolo, quod erat affinis vxoris; neque secunda gratia postea imputata vt affinem ducere posset non facta mentione de dispensatione super ordine, irrita censi ser debet, quia res separata sunt, quatum vna alteram non auget; nec vlo iure requiritur, vt mentio alterius in altera fiat. Sicut nec gratia facta de pœna adulterij requirit mentionem de gratia pœnae per iurij, iusti, vel homicidij; nec gratia pluralitatis beneficiorum facta illegitimo mentionem gratiae factæ ei de non jejunando vel non soluendo pœnam per iurij, requirit; cum haec separata sunt, quæ circa idem non versantur; secus tamen in illis quæ circa idem versantur, vnde indulgentia secundi homicidij, non facta mentione de prioris indulgentia, non valet; l. 2. C. de epil. audient. Ne dispensatio super pluralitatem beneficiorum illegitimo concessa valida est, non facta mentione de priori dispensatione, qua ad unum habilius effectus est; ca. 2. de filijs presb. in 6. eo quod lex mentionem iterationis delicti requirit, & dispensationes se contingunt, & circa idem versantur; ita vt tacitum, delictum, & defectum expreßum, super quo dispensatur, augere soleat.

## DECISIO XIV.

Ex conf. 13. alias 14.

**A**bas priuilegium conferendi ordinem Subdiaconatus a multis summis Pontificibus ante Concilium Tridentinum concessum & confirmatum habens, cuius etiam Priuilegia omnia generaliter a Papa post dictum Concilium confirmata sunt exceptis his, quæ Concilio Tridentino sunt contraria, huiusmodi Priuilegio ordinandi subdiaconos nunc vii non potest: cum dictum Concilium Tridentinum less 23. cap. 8. 10. & 12. solis episcopis ordinacionem ad sacros ordines referat, & alij Priuilegij suo decreto contrarij expresse derogent: Nec Papa per soam generalem